

列女志卷十二

宇宙清淑之氣山川鍾毓之靈賦於男子者固多賦於女子亦不
尠奈自古教育偏重於男女子讀書蓋百不得一焉不亦深可惜
哉然而守閨訓者何代蔑有嫻禮教者亦史不絕書非惟出於通
都大邑即窮鄉僻壤之區亦不能無其人焉今日者文明大啓女
教繁興凡女性道德之書無不耳提而面命受教日久印象必深
此婦守貞操女明義烈較諸古昔必有十百千萬之差矣於是述
烈女志第十二

烈女節婦

郝胡氏 胡女遼陽劉二堡商人胡翁之女也幼許郝翁振玉

西豐縣志

卷十二

列女

一

西豐國興印刷局校印

之三子郝三爲妻婚議方成適值甲午之役南省軍隊皆開至遼
陽河南豫字軍駐札劉二堡郝三乃投營服務秋間和約成軍歸
原防郝三因隨營往河南杳無音信女父以生計維艱乃攜女就
食於山城鎮之蓮花泡郝翁因子年久未歸亦未偵詢女家下落
至清光緒三十三年郝翁遷居西豐距山城鎮僅百數十里聞女
仍未出嫁遂至胡家辭婚女終不肯且曰再俟三年而後議斯時
富家多有慕義求女者雖父母默爲財動而女仍堅貞不改迨三
年已過又越四年女仍守志如初郝翁聞之仍決意辭女女曰爲
女子者從一而終予不但不更適他人且請歸郝家作婦以全吾
志不然死而已郝翁無奈從之遂擇吉迎女女性嚴厲寡言笑事

翁姑維謹處妯娌以和凡有操作皆爭先恐後縣監督王公浣之矜其異節請準上峰賜褒額一方曰貞孝之門所難者女過門後家境甚難後又遷居北荒兄弟析居女早抱二伯之子爲嗣從此僅一母一子求生活而已不意民國十三年忽接郝三來信云在河南汝南縣爲韓家養子故未得歸女即覆函邀還次於五月十五日到家十六日行合巹禮時夫婦行年同四十四矣

孫于氏 原籍鳳凰廳人于德清之長女十九歲歸孫守豫爲妻二十四歲夫故守節歷三十四載至宣統二年氏年五十七經縣尊轉請省署候咨部褒揚在案

周汪氏 周財之妻汪明深之女十七歲于歸二十九歲夫故

西豐縣志

卷十二

列女

二

西豐國興印刷局校印

其時家無儋石之蓄二子三女皆幼賴氏十指生活成立兒女苦操三十五載至宣統二年氏年六十四由縣詳請省憲準咨部褒揚在案

于劉氏 原籍遼陽父名永清年十七歸于福泰二十一歲夫故至宣統二年氏五十一歲經縣署轉請省長候咨部褒揚在案
田袁氏 吉林伊通縣袁廷璽之三女同治元年氏年十九適縣民田豐穀二十八歲而夫故生一子尙幼不期年而舅姑亦皆逝世料理喪葬氏自任之苦節四十餘載至民國六年氏年七十有三由縣請大總統旌以匾額銀章各一

王金氏 遼陽縣金業之長女年十九適王廣盛二十四歲而

孀時尙有舅姑可倚不數年而舅姑相繼逝家極寒苦告貸營葬生一子鍾麟尙幼氏以十指度日歷四五十載至民國七年氏年六十九由縣請大總統頒到節勵松筠匾額一方綬白銀質褒章一座以代坊表

楊徐氏 徐萬林之女楊德恩之妻十九歲于歸二十五歲而孀上奉翁姑下撫弱息守節期年翁姑相繼逝僅與一子度日請旌時氏年已六十四矣及民國九年蒙大總統頒匾額一方白綬銀章一座以示獎勵

楊張氏 本邑北門裏住戶楊善儒之妻張清旺之女原籍復縣人十九歲于歸二十二歲夫亡生二女而無子以三弟之子汝

西豐縣志

卷十二

列女

三

西豐國興印刷局校印

田爲嗣氏撫孤事親較夫在時猶盡力焉歷五載翁卒又二十五載而姑逝先後經理喪葬皆能貧不廢禮至民國九年氏六十八歲矣鄉人合詞請准大總統頒匾額一方白綬銀章一座以昭苦節

馬李氏 縣民馬慶忠之妻復縣李景山之女年十九歸馬氏二十九而夫亡矢志柏舟鄉里欽佩至民國十五年鄉人合詞稟請褒揚由省公署頒匾額並白綬銀章各一以旌表之

田趙氏 原籍伊通年十七歸田氏生二男一女二十九而夫亡氏奉養孀姑撫育子女艱苦拮据慈孝兼盡鄉里稱其賢焉至民國六年氏七十有四蒙大總統題頒節操孝義匾額一方並藍

綬銀章一座以旌表之其孫田雨春在大學畢業因父早逝奉養祖母頗以至孝聞

安王氏 邑人安魁之妻十七歲于歸二十九歲夫亡初魁兄弟四人居魁長魁亡三弟皆幼賴氏爲之撫育成入且皆爲授室而其子國顯至二十八歲而又亡氏視侄國忠如己出現又善持家政五世同居鄉里賢之於民國十四年請准省署褒揚在案

黃金氏 原籍遼陽年十七而歸黃葆琳布裙荆釵頗受寒苦惟奉侍翁姑能曲盡婦道年二十五歲時生子儒礪五閱月而夫亡其時家道清寒蕭然四壁上有衰老下有孤兒侍奉養育均感困難而氏以一身經理其間夜績晝耕頗盡勞悴而補綴烹飪等

西豐縣志

卷十二

列女

四

西豐國興印刷局校印

事皆肩任之率數十年如一日常慨然曰餓死事小失節事大當此世俗澆漓之日願以吾一人爲之先焉凡戚里孀婦有欲再醮者皆婉諭以大義並曰人之所貴有婦者以其能代夫養親教子也若夫亡即去則人胡必娶妻爲故氏雖處貧寒之家而於翁姑之奉養從不少有缺憾故鄰里戚鄰皆稱其賢子年八歲使入學校十八歲爲之授室因漸以家政畀之迨民國十年氏年六十七已守節四十三年矣遂徑呈內務部請領褒狀旋蒙大總統頒節勵松筠匾額以表宅里時年已七十四歲而身體強健猶如昔日而孫曾繞膝洵足享晚年之樂云

朱田氏 原籍吉林伊通縣田發之第四女年十七歸同里朱

義明朱本寒家毫無寸儲氏則咽糟糠而操井臼焉年十八舉一子名成德未幾義明辭家外出充差於哈埠從此雁杳魚沈寂無音問氏以望斷藁礎生活困難年二十二遂攜五齡幼子就食西豐不特以十指供炊爨且預節衣食之用儲爲其子讀書之資迨其子勝衣出外就傅先卒業於西豐初高小學繼卒業於省立師範終又負笈上海大夏大學畢業後歷充奉天省立第四師範與第三師範教職各員民國二十年秋奉教廳令調充西豐師中校長作事認真不辭勞怨於以顯親揚名無負母教焉夫古今賢母僉稱歐孟然孟氏望族歐陽宦門教子成名不無憑藉若氏以寒門母子流寓他鄉幸得餬口已云非易乃竟能使其子學成致用

西豐縣志

卷十二

列女

五

西豐國興印刷局校印

蓋賢於歐孟遠矣世不乏飽食煖衣之鬚眉乃視其子流爲佚蕩而不教者聞氏之風不亦愧乎

關方氏 開原廂藍旗方德恩之女年十七歸西豐縣房木村居民關文慶爲妻生性淑善舉止謹嚴撫孤事親含辛茹苦洵巾幗中之卓卓者焉先是十九歲時生一子甫及六閱月其夫即夭亡氏則下撫孤兒上事翁姑均能各盡其道翁晚年失日起居飲食皆氏爲之扶持毫無怨懟之言姑則天性激烈家法最嚴氏委曲順從常對以柔和之色至處家庭待鄰里更能婉順親睦故遠近咸稱其賢所猶難者家中伯叔因意見不合欲析居另爨親友居間皆未能解紛氏於兩晝夜中調處妥協從此家道繁昌雙親

終老蓋皆氏一人之力爲之也由縣署請准上峰頒匾額一方褒章一座以旌其節孝焉

徐蔣氏 西豐烏魯村居民徐桂林之妻也年十七于歸越三年生一子名廣仁又三年生一女桂林體素弱不堪農作乃爲小本經營無何本折愧生潛逃異地時氏年二十三歲幸有夫兄弟同居未受凍餒越數載即析居各度僅茅屋數椽薄田半日而已時廣仁年甫十二即爲人牧畜女九歲攜往戚家作鍼術似此環境清苦異常及廣仁稍長佃田十畝忙則躬耕於野暇則製豆腐生理如是數載積有微資廣仁年已廿一遂爲授室女年十七亦已適人迨廣仁年二十八時聞其父流落伊蘭乃告其母往尋焉

西豐縣志

卷十二

列女

六

西豐國興印刷局校印

歸時桂林已五十二歲氏已四十八歲矣蓋爲民國元年時也迨桂林年六十氏年六十三乃先後疾終焉噫處困難之境乃能矢志不移一子一女又復及時婚嫁終達到家業成就骨肉團圓其教養有方處置有法洵巾幗中之卓卓者也周諮鄉里口無異詞核其行誼允堪矜式故請准上峰頒匾以表其賢

楊高氏 吉林高公萬金之次女年十八歸本邑公昌村居民楊蓋臣爲妻室生性賢淑幼嫻閨訓于歸後克盡婦道侍奉翁姑卒能養致其歡病解其憂歿盡其哀葬祭皆盡其禮治家勤儉終日無倦容對親族鄉鄰率皆持守和平各盡其道詎年及三十遞喪其夫既無麟兒僅有一弱女乃能柏舟自守誓以終身節孝之行洵可以警世勵俗故請准褒揚頒匾額一方以旌表之

